


藏身足論

古籍

才三

三百五十九
連三

50314



阿毗達磨識身足論卷第三

連

提婆設摩阿羅漢造 三藏法師

玄奘奉

詔譯

補特伽羅蘊第二之二第一盂柁南頌後

補特伽羅論者作如是言諦義勝義補特伽羅可得可證現有等有是故定有補特伽羅性空論者作是言汝然此不謂契經中世

尊善語善詞善說如是三種補特伽羅

安立不相雜亂謂學補特伽羅無學補特伽

羅非學非無學補特伽羅彼答言介法亦三

種謂學法無學法非學非無學法彼答言介

復問彼言汝然此不先是非學非無學補

特伽羅次成學既成學已後成無學成無學



已復成學補特伽羅彼荅言。尔復問彼言。汝
然此不先是非學非無學法次成學既成學
已後成無學成無學已復成學法荅言。不尔
汝聽墮負若先是非學非無學補特伽羅次
成學既成學已後成無學成無學已復成學
補特伽羅是則應說先是非學非無學法次
成學既成學已後成無學成無學已復成學
法汝作是言不應道理。若汝不說先是非學
非無學法次成學既成學已後成無學成無
學已復成學法則不應說先是非學非無學
補特伽羅次成學既成學已後成無學成無
學已復成學補特伽羅言。先是非學非無學

補特伽羅次成學既成學已後成無學成無
學已復成學補特伽羅不應道理

補特伽羅論者作如是言有我有情命者生
者養育士夫補特伽羅由有補特伽羅故能
造諸業或順樂受或順苦受或順不苦不樂
受彼造順樂受業已領受樂受造順苦受業
已領受苦受造順不苦不樂受業已受不苦
不樂受性空論者作是問言汝然此不自作
苦樂答言不尔汝聽墮負若有我有情命者
生者養育士夫補特伽羅由有補特伽羅故
能造諸業或順樂受或順苦受或順不苦不
樂受彼造順樂受業已領受樂受造順苦受

業已領受苦受造順不苦不樂受業已受不
苦不樂受是則應說自作苦樂汝作是言不
應道理若汝不說自作苦樂則不應說有我
有情命者生者養育士夫補特伽羅由有補
特伽羅故能造諸業或順樂受或順苦受或
順不苦不樂受彼造順樂受業已領受樂受
造順苦受業已領受苦受造順不苦不樂受
業已受不苦不樂受言有我有情命者生者
養育士夫補特伽羅由有補特伽羅故能造
諸業或順樂受或順苦受或順不苦不樂受
彼造順樂受業已領受樂受造順苦受業已
領受苦受造順不苦不樂受業已受不苦不

樂受不應道理若作是言自作苦樂應問彼
言汝然此不謂契經中世尊善語善詞善說
為鈷部盧出家外道說鈷部盧即受即領諸
有欲令自作苦樂此鈷部盧我終不說彼答
言介汝聽墮負若自作苦樂則不應言謂契
經中世尊善語善詞善說為鈷部盧出家外
道說鈷部盧即受即領諸有欲令自作苦樂
此鈷部盧我終不說汝作是言不應道理汝
今若說謂契經中世尊善語善詞善說為鈷
部盧出家外道說鈷部盧即受即領諸有欲
令自作苦樂此鈷部盧我終不說則不應言
自作苦樂言自作苦樂不應道理若作是言

他作苦樂應問彼言汝然此不謂契經中
尊善語善詞善說為鈷部盧出家外道說鈷
部盧異受異領若有欲令他作苦樂此鈷部
盧我終不說彼荅言尔汝聽墮負若他作苦
樂則不應言謂契經中世尊善語善詞善說
為鈷部盧出家外道說鈷部盧異受異領諸
有欲令他作苦樂此鈷部盧我終不說汝作
是言不應道理汝今若說謂契經中世尊善
語善詞善說為鈷部盧出家外道說鈷部盧
異受異領諸有欲令他作苦樂此鈷部盧我
終不說則不應言他作苦樂言他作苦樂不
應道理

補特伽羅論者作如是言。有我。有情。命者。生者。養育士夫。補特伽羅。由有補特伽羅。故能造諸業。或順樂受。或順苦受。或順不苦不樂受。彼造順樂受業。已領受樂受。造順苦受業。已領受苦受。造順不苦不樂受業。已領受不苦不樂受。性空論者作是問。言汝然。此不此。作此受。答言。不尔。汝聽。墮負。若有我。有情。命者。生者。養育士夫。補特伽羅。由有補特伽羅。故能造諸業。或順樂受。或順苦受。或順不苦不樂受。彼造順樂受業。已領受樂受。造順苦受業。已領受苦受。造順不苦不樂受業。已領受不苦不樂受。是則應言。此作此受。汝作是。

言不應道理若汝不說此作此受則不應言
有我有情命者生者養育士夫補特伽羅由
有補特伽羅故能造諸業或順樂受或順苦
受或順不苦不樂受彼造順樂受業已領受
樂受造順苦受業已領受苦受造順不苦不
樂受業已領受不苦不樂受言有我有情命
者生者養育士夫補特伽羅由有補特伽羅
故能造諸業或順樂受或順苦受或順不苦
不樂受彼造順樂受業已領受樂受造順苦
受業已領受苦受造順不苦不樂受業已領
受不苦不樂受不應道理若作是言此作此
受應問彼言汝然此不謂契經中世尊善語

善詞善說爲一梵志說言梵志此作此受是
墮常邊彼答言介汝聽墮負若此作此受則
不應言謂契經中世尊善語善詞善說爲一
梵志說言梵志此作此受是墮常邊汝作是
言不應道理汝今若說謂契經中世尊善語
善詞善說爲一梵志說言梵志此作此受是
墮常邊則不應言此作此受言此作此受不
應道理若作是言異作異受應問彼言汝然
此不謂契經中世尊善語善詞善說爲一梵
志說言梵志異作異受是墮斷邊彼答言介
汝聽墮負若異作異受則不應言於契經中
世尊善語善詞善說爲一梵志語言梵志異

作異受是墮斷邊汝作是言不應道理汝今
若說謂契經中世尊善語善詞善說爲一梵
志說言梵志異作異受是墮斷邊則不應言
異作異受言異作異受不應道理

補特伽羅論者作如是言有我有情命者生
者養育士夫補特伽羅由有補特伽羅故於
所見聞覺知法中已得已求意隨尋伺性空
論者作是問言汝然此不謂契經中世尊善
語善詞善說爲本牧驢頰李瑟吒苾芻說言
苾芻諸所見聞覺知法中已得已求意隨尋
伺如是一切非我我所亦非我我如是如實
正慧觀見彼答言尔汝聽墮負若有我有情

命者生者養育士夫補特伽羅由有補特伽
羅故於所見聞覺知法中已得已求意隨尋
伺則不應言謂契經中世尊善語善詞善說
爲本牧驢頰李瑟吒苾芻說言苾芻諸所見
聞覺知法中已得已求意隨尋伺如是一切
非我我所亦非我我如是如實正慧觀見汝
作是言不應道理汝今若言謂契經中世尊
善語善詞善說爲本牧驢頰李瑟吒苾芻說
言苾芻諸所見聞覺知法中已得已求意隨
尋伺如是一切非我我所亦非我我如是如
實正慧觀見則不應言有我有情命者生者
養育士夫補特伽羅由有補特伽羅故於所

見聞覺知法中已得已求意隨尋伺言有我
有情命者生者養育士夫補特伽羅由有補
特伽羅故於所見聞覺知法中已得已求意
隨尋伺不應道理

識身足論補特伽羅蘊第二中第二偈於南頌

言慈何所緣

識身與念住

諸覺支可得

有爲及無爲

性空論者作如是言諦義勝義補特伽羅非
可得非可證非現有非等有是故無有補特
伽羅補特伽羅論者問言具壽慈何所緣答
言諸法性有等有由想等想假說有情於此
義中慈緣執受諸蘊相續彼問汝說慈緣執

受蘊相續耶此答言尔彼復問言汝然此不
謂契經中世尊善語善詞善說當使有情具
諸快樂如是思惟入慈等至此答言尔彼作
是言汝聽墮負若慈緣執受諸蘊相續則不
應言謂契經中世尊善語善詞善說當使有
情具諸快樂如是思惟入慈等至汝作是言
不應道理汝今若說謂契經中世尊善語善
詞善說當使有情具諸快樂如是思惟入慈
等至則不應言慈緣執受諸蘊相續言慈緣
執受諸蘊相續不應道理應問彼言汝然此
不謂契經中世尊善語善詞善說有六識身
眼識耳鼻舌身意識彼答言尔問言具壽慈

與何等識身相應爲眼識耶爲耳鼻舌身意
識耶若言眼識相應則不緣有情以諸眼識
惟緣色故若言耳識相應則不緣有情以諸
耳識惟緣聲故若言鼻識相應則不緣有情
以諸鼻識惟緣香故若言舌識相應則不緣
有情以諸舌識惟緣味故若言身識相應則
不緣有情以諸身識惟緣觸故若言意識相
應則不緣有情以諸意識惟緣法故若言不
與眼識耳鼻舌身意識相應即應別有第七
有情之識慈與彼相應此識世尊不現等覺
具壽世尊於無畏中作如是說我於諸法現
正等覺若有沙門或婆羅門天魔梵等如法

詰難或令憶念於是法中不現等覺我方如
是正見無緣我正見彼無有緣故得安隱住
無怖無畏自稱我處大仙尊位轉大梵輪於
大衆中正師子吼具壽若尔豈不難佛爲無
智耶彼言具壽我不難佛以爲無智世尊於
此雖現等覺而不宣說具壽世尊曾爲具壽
阿難陀說汝阿難陀我於諸法無間宣傳謂
四念住四正斷四如意足五根五力七等覺
支八聖道支汝阿難陀如來於法無有師奉
謂自覆藏恐他知我無所識解具壽若尔爲
不難佛有師奉耶彼言具壽我不難佛以爲
無智亦不難佛爲有師奉世尊於彼雖現等

覺而不宣說具壽世尊昇攝波林契經中說
汝等苾芻乃至大地昇攝波林葉之齊量我
於彼法自然了知雖現等覺不爲他說是故
世尊於如是識雖現等覺而不宣說應問彼
言具壽即彼契經爲不更有餘廣句耶謂世
尊言汝等苾芻然彼諸法不能引義不能引
善不能引法不引梵行不證神通不證等覺
不證涅槃設有如是補特伽羅不能引義不
能引善不能引法不引梵行不證神通不證
等覺不證涅槃即無所用是故無有補特伽
羅性空論者作如是言諦義勝義補特伽羅
非可得非可證非現有非等有是故無有補特

伽羅補特伽羅論者問言具壽慈何所緣答
言諸法性有等有由想等想假說有情於此
義中慈緣執受諸蘊相續彼問汝說慈緣執
受蘊相續耶此答言尔彼復問言汝然此不
謂契經中世尊善語善詞善說當使有情具
諸快樂如是思惟入慈等至此答言尔彼作
是言汝聽墮負若慈緣執受諸蘊相續則不
應言謂契經中世尊善語善詞善說當使有
情具諸快樂如是思惟入慈等至汝作是言
不應道理汝今若說謂契經中世尊善語善
詞善說當使有情具諸快樂如是思惟入慈
等至則不應言慈緣執受諸蘊相續言慈緣

執受諸蘊相續不應道理應問彼言汝然此
不謂契經中世尊善語善詞善說有四念住
身念住受心法念住彼答言尔問言具壽慈
與何等念住相應爲身念住耶爲受心法念
住耶若言身念住相應則不緣有情以身念
住唯緣身故若言受念住相應則不緣有情
以受念住唯緣受故若言心念住相應則不
緣有情以心念住唯緣心故若言法念住相
應則不緣有情以法念住唯緣法故若言不
與身念住受心法念住相應即應別有第五
有情念住慈與彼相應此念住世尊不現等
覺具壽世尊於無畏中作如是說我於諸生

現正等覺若有沙門或婆羅門天魔梵等如
法詰難或令憶念於是法中不現等覺我於
如是正見無緣我正見彼無有緣故得安隱
住無怖無畏自稱我處大仙尊位轉大梵輪
於大衆中正師子吼具壽若尔豈不難佛爲
無智耶彼言具壽我不難佛以爲無智世尊
於此雖現等覺而不宣說具壽世尊曾爲具
壽阿難陀說汝阿難陀我於諸法無間宣傳
謂四念住四正斷四如意足五根五力七等
覺支八聖道支汝阿難陀如來於法無有師
拳謂自覆藏恐他知我無所識解具壽若尔
爲不難佛有師拳耶彼言具壽我不難佛以

為無智亦不難佛為有師拳世尊於彼雖現
等覺而不宣說具壽世尊昇攝波林契經中
說汝等苾芻乃至大地昇攝波林葉之齊量
我於彼法自然了知雖現等覺不為他說是
故世尊於彼念住雖現等覺而不宣說應問
彼言具壽即彼契經為不更有餘廣句耶
世尊言汝等苾芻然彼諸法不能引義不能
引善不能引法不引梵行不證神通不證等
覺不證涅槃設有如是補特伽羅不能引義
不能引善不能引法不引梵行不證神通不
證等覺不證涅槃即無所用是故無有補特
伽羅性空論者作如是言諦義勝義補特伽

羅非可得非可證非現有非等有是故無有
補特伽羅補特伽羅論者問言具壽慈何所
緣荅言諸法性有等有由想等想假說有情
於此義中慈緣執受諸蘊相續彼問汝說慈
緣執受蘊相續耶此荅言尔彼復問言汝然
此不謂契經中世尊善語善詞善說當使有
情具諸快樂如是思惟入慈等至此荅言尔
彼作是言汝聽墮負若慈緣執受諸蘊相續
則不應言謂契經中世尊善語善詞善說當
使有情具諸快樂如是思惟入慈等至汝作
是言不應道理汝今若說謂契經中世尊善
語善詞善說當使有情具諸快樂如是思惟

入慈等至則不應言慈緣執受諸蘊相續言
慈緣執受諸蘊相續不應道理應問彼言然
然此不謂契經中世尊善語善詞善說有七
等覺支念等覺支擇法精進喜安定捨等覺
支彼答言尔問言具壽慈與何等覺支相應
爲念等覺支耶爲擇法精進喜安定捨等覺
支耶若言念等覺支相應則不緣有情以念
等覺支惟緣法故若言擇法精進喜安定捨
等覺支相應則不緣有情以捨等覺支惟緣
法故若言不與念等覺支擇法精進喜安定
捨等覺支相應即應別有第八有情等覺支
慈與彼相應此等覺支世尊不現等覺具壽

世尊於無畏中作如是說我於諸法現正等
覺若有沙門或婆羅門天魔梵等如法詰難
或令憶念於是法中不現等覺我於如是正
見無緣我正見彼無有緣故得安隱住無怖
無畏自稱我處太仙尊位轉大梵輪於大眾
中正師子吼具壽若尔豈不難佛爲無智耶
彼言具壽我不難佛以爲無智世尊於此雖
現等覺而不宣說具壽世尊曾爲具壽阿難
陀說汝阿難陀我於諸法無間宣傳謂四念
住四正斷四如意足五根五力七等覺支八
聖道支汝阿難陀如來於法無有師拳謂自
覆藏恐他知我無所識解具壽若尔爲不難

佛有師拳耶彼言具壽我不難佛以爲無智
亦不難佛爲有師拳世尊於此雖現等覺而
不宣說具壽世尊昇攝波林契經中說汝等
苾芻乃至大地昇攝波林葉之齊量我於彼
法自然了知雖現等覺不爲他說是故世尊
於彼等覺支雖現等覺而不宣說應問彼言
具壽即彼契經爲不更有餘廣句耶謂世尊
言汝等苾芻然彼諸法不能引義不能引善
不能引法不引梵行不證神通不證等覺不
證涅槃設有如是補特伽羅不能引義不能
引善不能引法不引梵行不證神通不證等
覺不證涅槃即無所用是故無有補特伽羅

補特伽羅論者作如是言有為可得無為可得
得補特伽羅亦有可得性空論者問言具壽
補特伽羅當言有為當言無為若言有為應
同有為可施設有生滅住異若言無為應同
無為可施設無生滅住異具壽世尊為諸苾
芻說有二物一者有為二者無為謂無為外
無別有物是故無有補特伽羅

識身足論補特伽羅蘊第二中第三喩柁南頌

補特伽羅無有空

諸法和合各所作

了知由幾俱生二

心性無常明愛緣

有六識身謂眼識耳鼻舌身意識眼色為緣
生眼識如是眼識惟能識諸色非補特伽羅

此補特伽羅非眼識所識惟有諸色爲眼識
所識是故此眼識非補特伽羅識又眼色爲
緣生眼識三和合故有觸如是眼觸惟能觸
諸色非補特伽羅此補特伽羅非眼觸所觸
惟有諸色爲眼觸所觸是故此眼觸非補特
伽羅觸又眼色爲緣生眼識三和合故有觸
觸爲緣故生受如是眼觸所生受惟能受諸
色非補特伽羅此補特伽羅非眼觸所生受
所受惟有諸色爲眼觸所生受所受是故此
眼觸所生受非補特伽羅觸所生受又眼色
爲緣生眼識三和合故有觸觸爲緣故生想
如是眼觸所生想惟能想諸色非補特伽羅

此補特伽羅非眼觸所生想所想惟有諸色
爲眼觸所生想所想是故此眼觸所生想非
補特伽羅觸所生想又眼色爲緣生眼識三
和合故有觸觸爲緣故生思如是眼觸所生
思惟能思諸色非補特伽羅此補特伽羅非
眼觸所生思所思惟有諸色爲眼觸所生思
所思是故此眼觸所生思非補特伽羅觸所
生思由此諸法觸爲第五補特伽羅非可得
非可證非現有非等有是故無有補特伽羅
如眼識耳鼻舌身意識亦尔

有六識身謂眼識耳鼻舌身意識眼色爲緣
生眼識此中若眼若色若眼識皆非補特伽

羅惟有眼色爲緣生眼識又眼色爲緣生眼
識三和合故有觸此中若眼若色若眼識若
眼觸皆非補特伽羅惟有眼色爲緣生眼識
三和合故有觸又眼色爲緣生眼識三和合
故有觸觸爲緣故生受此中若眼若色若眼
識若眼觸若眼觸所生受皆非補特伽羅惟
有眼色爲緣生眼識三和合故有觸觸爲緣
故生受又眼色爲緣生眼識三和合故有觸
觸爲緣故生想此中若眼若色若眼識若眼
觸若眼觸所生想皆非補特伽羅惟有眼色
爲緣生眼識三和合故有觸觸爲緣故生想
又眼色爲緣生眼識三和合故有觸觸爲緣

故生思此中若眼若色若眼識若眼觸若眼
觸所生思皆非補特伽羅惟有眼色為緣生
眼識三和合故有觸觸為緣故生思由此諸
法觸為第五補特伽羅非可得非可證非現
有非等有是故無有補特伽羅如眼識耳鼻
舌身意識亦尔

有六識身謂眼識耳鼻舌身意識眼色為緣
生眼識此中眼生色生眼識不生如是不可
得眼生色生眼識亦生如是可得此中眼滅
色滅眼識不滅如是不可得眼滅色滅眼識
亦滅如是可得又眼色為緣生眼識三和合
故有觸此中眼生色生眼識生眼觸不生如

是不可得眼生色生眼識生眼觸亦生如是
可得此中眼滅色滅眼識滅眼觸不滅如是
不可得眼滅色滅眼識滅眼觸亦滅如是可
得又眼色為緣生眼識三和合故有觸觸為
緣故生受此中眼生色生眼識生眼觸生眼
觸所生受不生如是不可得眼生色生眼識
生眼觸生眼觸所生受亦生如是可得此中
眼滅色滅眼識滅眼觸滅眼觸所生受不滅
如是不可得眼滅色滅眼識滅眼觸滅眼觸
所生受亦滅如是可得又眼色為緣生眼識
三和合故有觸觸為緣故生想此中眼生色
生眼識生眼觸生眼觸所生想不生如是不

可得眼生色生眼識生眼觸生眼觸所生想
亦生如是可得此中眼滅色滅眼識滅眼觸
滅眼觸所生想不滅如是不可得眼滅色滅
眼識滅眼觸滅眼觸所生想亦滅如是可得
又眼色爲緣生眼識三和合故有觸觸爲緣
故生思此中眼生色生眼識生眼觸生眼觸
所生思不生如是不可得眼生色生眼識生
眼觸生眼觸所生思亦生如是可得此中眼
滅色滅眼識滅眼觸滅眼觸所生思不滅如
是不可得眼滅色滅眼識滅眼觸滅眼觸所
生思亦滅如是可得如是諸法觸爲第五同
生同住同滅一生時一切生一滅時一切滅

由此諸法觸為第五補特伽羅亦可得非可
證非現有非等有是故無有補特伽羅如眼
識耳鼻舌身意識亦介

有六識身謂眼識耳鼻舌身意識眼色為緣
生眼識如是眼識能識諸色非觸非受非想
非思由能識相是眼識故又眼色為緣生眼
識三和合故有觸如是眼觸能觸諸色非受
非想非思非識由能觸想是眼觸故又眼色
為緣生眼識三和合故有觸觸為緣故生受
如是眼觸所生受能受諸色非想非思非識
非觸由能受相是眼觸所生受故又眼色為
緣生眼識三和合故有觸觸為緣故生想如

是眼觸所生想能想諸色非思非識非觸非
受由能想相是眼觸所生想故又眼色為緣
生眼識三和合故有觸觸為緣故生思如是
眼觸所生思能思諸色非識非觸非受非想
由能思相是眼觸所生思故如是諸法觸為
第五同生同住同滅一生時一切生一滅時
一切滅既生起已各各別作自所作事不作
其餘他所作事由此諸法觸為第五補特伽
羅非可得非可證非現有非等有是故無有
補特伽羅如眼識耳鼻舌身意識亦尔
有六識身謂眼識耳鼻舌身意識問眼識何
所了別答眼識了別諸色何所不了別謂十一

處問耳識何所了別荅耳識了別諸聲何所不
了別謂十一處問鼻識何所了別荅鼻識了
別諸香何所不了別謂十一處問舌識何所
了別荅舌識了別諸味何所不了別謂十一
處問身識何所了別荅身識了別諸觸何所
不了別謂十一處問意識何所了別荅意識
了別諸法眼色及眼識耳聲及耳識鼻香及
鼻識舌味及舌識身觸及身識意法及意識如
是六識身是能了別有了別性非無了別性識
特伽羅無如是性是故無有補特伽羅有十
二處謂眼處色處耳處聲處鼻處香處舌處
味處身處觸處意處法處問眼處幾識所識

乃至法處幾識所識荅色處二識所識謂眼
識及意識聲處二識所識謂耳識及意識香
處二識所識謂鼻識及意識味處二識所識
謂舌識及意識觸處二識所識謂身識及意
識餘七處惟意識所識如是十二處是所識
有所識性非無所識性補特伽羅無如是性
是故無有補特伽羅
有六識身謂眼識耳鼻舌身意識眼色爲緣
生眼識三和合故有觸與觸俱生有受想思
由此諸法觸爲第五補特伽羅非可得非可
證非現有非等有是故無有補特伽羅如眼
識耳鼻舌身意識亦尔

於可愛事由無智故便生等貪此中無智即
是無明等貪即行了別事相即是其識識俱
四蘊即是名色名色依根即是六處六處和
合即是其觸此中領納即是其受受生欣喜
即是其愛此愛增廣即名為取能生後有業
即名有諸蘊現起即名為生諸蘊成熟即名
為老諸蘊棄捨即名為死於內熱惱即名為
愁發言怨嗟即名為嘆五識相應不平安受
說名為苦意識相應不平安受說名為憂其
心熱惱擾惱焦惱說名擾惱等起謂生言如
是者示現顯了開發增語能生起故說名積
集純謂至極究竟圓滿大苦蘊者大災大橫

大殃大惱順大世分衆苦法聚

又諸無明未斷未知爲因爲緣諸行生起謂
隨福行隨非福行隨不動行如是諸行未斷
未知爲因爲緣諸識生起或往善趣或往惡
趣如是諸識未斷未知爲因爲緣名色生起
或在此世或在後世如是名色未斷未知爲
因爲緣六處生起或有圓滿或不圓滿六處
和合故有其觸隨觸領納故有其受受生欣
喜故有其愛即愛增廣說名爲取能感後有
業名爲有諸蘊現起說名爲生諸蘊成熟說
名爲老諸蘊棄捨說名爲死於內熱惱說名
爲愁發言怨嗟說名爲嘆五識相應不平安

受說名爲苦意識相應不平安受說名爲憂
其心熱惱擾惱焦惱說名擾惱等起謂生言
如是者示現顯了開發增語能生起故說名
積集純謂至極究竟圓滿大苦蘊者大災大
橫大殃大惱順大世分衆苦法聚

由十四因應知心性決定無常謂加行故相
應故威儀路故工巧處故身業故語業故意
業故因故等無間故所緣故增上故染不染
故受差別故所作事業展轉異故

若心已生分明可了或於今時或於餘時諸
所憶念即所了知如是心性不離前心又此
心性不離前心由此道理諸心展轉無前際

來諸心次第如是名爲苦集聖諦如是應觀
苦集聖諦如是觀者名爲正觀若異觀者名
爲邪智

若有諸愛未斷未知爲因爲緣後苦生起若
有諸愛已斷已知無因無緣可令後苦更得
生起設使諸愛已斷已知爲因爲緣後苦生
起由此具壽應見應聞如是具壽已離諸愛
生於世間然今諸愛已斷已知無因無緣可
令後苦更得生起是故具壽不見不聞如是
具壽已離諸愛生於世間如是名爲苦滅聖
諦如是應觀苦滅聖諦如是觀者名爲正觀
若異觀者名爲邪智

有六識身謂眼識耳鼻舌身意識眼識有四
緣一因緣二等無間緣三所緣緣四增上緣
何等因緣謂此俱有相應法等何等等無間
緣謂若從彼諸心心法平等無間如是眼識
已生正生何等所緣緣謂一切色何等增上
緣謂除自性餘一切法是名眼識所有四緣
謂因緣等無間緣所緣緣增上緣如是眼識
是誰因緣謂此俱有相應法等是誰等無間
緣謂從眼識平等無間已生正生諸心心法
是誰所緣緣謂能緣此諸心心法是誰增上
緣謂除自性餘一切法如眼識耳鼻舌身意
識亦尔

說一切有部識身足論卷第三

連

鋤

反巨兼

伺

反相寺

牧

音目

頰

反於割

瑟吒

下上所

竹所擲

反反

詰

難上起

下如

旦一反

師

拳

如人

執拳也

而不說

說



